

Lo Lauquet

repic:

*Siás pas pro grand per venir amb ieu
Jos la paissièra del Lauquet
Siás pas pro grand per véser de tos uèlhs
Lo reiaume del colobret.*

Quand avèm set d'amor o mal de còr,
Es una sèrp que càmbia nòstra vida
Un cabucet e siam dins lo decòr
D'amor aisit e de bon vin que raja.

repic

Un còp de det, tot tomba tot rostit.
Visca lo rei de las aigas que rajan.
Lo temps bandit siaguèt fòrabandit.
Visca lo rei de las bèlas que nadan.

repic

Passam la nuèit a faire los capbords
A cantar fòrt e a dançar las fècas.
Quand ven lo jorn, l'aiga pren las colors
De nòstres caps un lendeman de fèsta.

E que jamais, dins aquel polit riu,
Qualque torista a la man putanièra
Escampilha dins l'aigueta que viu
Sas escobilhas aquí jos la paissièra.
Seriá tuat sul còp per los amics
Del colobret que viu dins l'aiga clara
Seriá tuat sul còp per los amics
Del colobret que viu dins lo Lauquet.

Mans de Breish